



# mælkebøttestreng

Børne- og Ungehuset Mælkebøtten • Bo-enheden Ilasíaq • Bo-enheden Allu • Seqineq • Postboks 1335 • 3900 Nuuk • [www.mb.gl](http://www.mb.gl)

## Mælkebøttestreng 2024-2030-MUT ILIUUSISSIAA







## Imai

Iliuseqarfigisassanut suliniutit ilusilnera .....	4
Mælkebøttecenterip 2024-2030-mut iliusissiaa .....	5
Naammasserusutat .....	6
Takorluukkat .....	6
Naleqartitat .....	7
Suliniutit iliuuseqarfigisassat .....	9
1. Suliniutit – Paaqqinnittarfiit nutaat Ataatsimoortarfillu .....	10
2. Sulisut atugarissaarnissaat ineriartornissaallu .....	11
3. Attaveqarneq suleqateqarnerlu .....	11
4. Meeqqat isiginnittaasiat/Barneperspektiv eqqarsartaatsimiilersitsinerlu/ mentalisering .....	12
5. Uppernarsaasiisarneq naliliisarnerlu .....	12
Iliusissatut pilersaarut 2024-2030 .....	13



## Iliuseqarfigisassanut suliniutit ilusilenera



### Takorluugaq

**Meeqqat inuusuttullu atugaannik pitsanngorsaassaagut**

#### Takorluukkani naleqqat

0-23-nut ukiulinnut ataatsimut suliniutit

Angajoqqaanik peqataanerutitsineq

Ulloq unnuarlu najugaqarfiinnaangitsoq

Meeqqanut inuusuttunullu toqqammaviit toqqissisimasut

Sulisut isumassuisut aalaakkaasullu

#### Suliniutit iliuuseqarfigisassat

Suliniutit: Aili, Projekt 8-12-inut ukiulinnut, Najortigeeqatigiiffik il.il.

Uppernarsaasarnert naliliisarnerillu

Attaveqarneq suleqatigiinnerillu

Meeqqat isiginnittaasiat eqqarsarluarnerlu

Sulisut atugarissar-nissaat ineriartornissaallu

#### Naammasserusutat

Suliffeqarfiup anguniagai inini tulluartaaniipput, meeqqat inuusuttuaqqallu sumiginnaarneqarsimasut atugaannik pitsanngueqataasinnaasunik sinaakkutinik ineriartortitsinissaq pilersitsinissarlu, aammalu sumiginnaaqinnissamik pitsaaliuineq

#### Pingaartitat

**Sapiissuseq - Inissaqartitsineq - Toqqissisimaneq - Akisussaaffeqarneq**

## Mælkebøttecenterip 2024-2030-mut iliusissiaa

Allakkiami uani Mælkebøttecenterip 2024-2030-mut iliusissiaa saqqummiunneqarpoq, tassanilu siunissami suliniutigut ilaatigut atuarsinnaavatit. Inuiaqatigiinni oqartussanilu pisariaqartinneqartut qulaajarnerisa kingorna iliusissiaq suliarineqarpoq.

### Toqqammavik patajaatsoq

Mælkebøttecenteri ukiut ingerlanerini Nuummi toqqammavimmik patajaatsumik pilersitsiartorsimavoq, tassaallutillu ulloq unnuarlu najugaqarfii arlallit.

Mælkebøtteri ulloq unnuarlu inissiisarfuviulluni aammalu ornittagaalluni katitigaavoq. Ulloq unnuarlu inissisarfik meeqqanut inissikkasuakkanut 8-9-nut inissaqarpoq, aammali sivittajaamik meeqqat inuusuttuaqqallu atugarliortut angerlarsimaffiup avataanut inissinneqarsimasut inooqataanikkut tarnikkullu paasiniaaviginisaanik periarfissiisarpoq.


Mælkebøtteri aamma nammineq kajumissutsimik meeqqanut inuusuttuaqqanullu suliniutit ingerlattarpagut, soorlu illoqarfup meerartaanut inuusuttuarartaanullu tamanut sammisaqartitsinerit, taakkulu igaffittaqartarput, taamallu nerisassanik neqerooruteqarsinnaasarlutik.

Taakku saniatigut najugaqatigiiffuteqarpugut llasiaq, tassaavorlu meeqqanut allatsinnermini 3-12-inik ukiulinnut inunnik perorsaanikkut najugaqatigiiffittut neqeroorutaasoq. Najugaqatigiiffik llasiap illutaa Nuussuarmiippoq meeqqanullu arfineq-marlunnut inissaqarluni.

Najugaqatigiiffik Allu aamma inunnik perorsaanikkut neqeroorutaa-vortaaq, tassanilu allatsinnermi meeqqat 12-15-inik ukioqartarput. Allu aamma Nuussuarmiippoq meeqqanullu arfineq-pingasunut inissaateqarluni.

### Mælkebøttecenterip oqaluttuassartaa

Mælkebøttecenteri peqatigiiffinnit arlalinnit tunngavilerneqarsimavoq, tassaasunit Lions Club, Sulisitsisut Rotarylu. Peqatigiiffit taakku suli kissaatigaat meeqqat inuusuttuaqqallu atugarliortut sumiginnagaanermillu misigisaqarsimasut ikiussallugit sumiginnagaqqinnissaallu pitsaaliorusullugu. Tunuliaqut taanna nukittoq suliffeqarfinnillu assigiinngitsunit tapersorsorneqartoq Mælkebøttecenteri tunngavilerpaat ulloq unnuarlu najugaqarfinaangitsut ingerlanneqarlutik. Maannakkut illut najugaqarfusut arlallit Mælkebøttecenterip ingerlappai, ilutigalugulu sulianut piginnaaneqarlunissaq annertoq isiginiarneqarpoq toqqaannartumillu meeqqat Mælkebøttecenterimi inissinneqarsimasut saniatigut meeqqat allat ikorfartorniarneqarlutik.



## Naammasserusutat

Mælkebøttecenteri nunarsuarmiilersinneqarpoq meeqqat inuusuttuaqqallu inuunerminni atugaannik pitsannguiniarluni tassuunalu allannguilluni. Tassani ilaatigut pineqarput meeqqat inuusuttuaqqallu uagutsinni inissinneqarsimasut, aammali nalinginnaasumik inuiaqatigiit meerartaannut inuusuttuarartaannullu.

### Mælkebøttecenterip naammasserusutai tassaapput:

**“...inini tulluurtuni sinaakkutinik ineriartortitsillunilu pilersitsissasoq meeqqat inuusuttuaqqallu sumiginarneqarsimasut atugaannik pitsanngueqataasussanik aammalu sumiginnaaqinnermik pitsaaliussalluni”.**

Naammasserusutat taakku aallaavigalugit piffissami iliuuseqarfissami takorluukkat suliarisimavagut.

## Takorluukkat

Mælkebøttecenterip meeqqat inuusuttuaqqallu inuuermi atugaannik pitsanngueqataarusuppoq tassuunalu allannguilluni. Tassani ilaatigut meeqqat inuusuttuaqqallu uagutsinni inissinneqarsimasut pineqarput, aammali nalinginnaasumik inuiaqatigiit meerartaat inuusuttuarartaallu pineqarlutik. Takorluukkagut naatsumik imak oqaasertalerpagut:

### Meeqqat inuusuttullu inuunerissaarnerunissaannik pilersitsivugut

#### *Vi skaber bedre livsvilkår for børn og unge*

Takorluukkap angunissaanut ikorfartuutaasinnaasunik arlalinnik naleraqarpoq.

### Ataatsimut 0-23-nut ukiulinnut suliniutit angajoqqaanillu peqataanerutitsineq

Mælkebøttecenteri inuiaqatigiinni pisariaqartinneqartunut tapersiilluni ataatsimut meeqqanut inuusuttuaqqanullu 0-23-nut ukiulinnut suliniuteqassaaq, tamannalu sulianik piginnaaneqarluarnermik tunngaveqassaaq. Mælkebøttecenterip kissaatigaa meeqqat 0-23-nik ukiullit ilaqtaminnut ikinngutiminnullu attaveqarnissaasa pitsaasumik sinaakkusernerisigut inuunerminni atugaannik pitsaanagerusunik pilersitsissalluni, aammalu sumiginnaaqqiisarneq pitsaaliussallugu. Meeqqat 0-23-nik ukiullit amerlanerusut ikiorusuppagut meeqqallu qanigisaminnik ataatsimooqateqartarnissaat angajoqqaallu angajoqqaatut piginnaasaasa isiginiarneqarnerunissaat kissaatigalugu. Ilisimatusarnerit takutippaat ataatsimooqateqartarneq pitsaasuugaangat meeqqat inuusuttuaqqallu atugarissaarnerannut ajungitsumik kinguneqartar-toq (VIVE, 2023).

Takorluugaq taanna anguniarlugu Mælkebøttecenterip neqeroorutini annertusiniarpai, aammalu ulloq unnuarlu najugaqarfinni isiginiarneqartartut amerlanerit ilaatilissallugit. Mælkebøttecenterip Najortigeeqatigiiffimmik pilersitsinermigut kissaatigaa meeqqat ilaqtaminnut attaveqarnerat nukittorsissallugu,



taannalu qallikkut sinaakkutaasunik aqutissiuiikkut meeqqallu inissineqarsimasut angajoqqaavisalu ataatsimooqatigiinneranni suliassat suleqatigiissutiginerisigut pissaaq, meeqqat tassani pineqartut tassaasapput Mælkebøttecenterip najuqarfiniittut, aammali paaqqinnittarfinni allaneersut imaluunniit angajoqqaarsiallit.

### Ulloq unnuarlu najugaqarfinnaanngitsoq aammalu meeqqanut inuusuttuaqqanullu toqqissimanartoq.

Mælkebøttecenteri ulloq unnuarlu najugaqarfinnaanngilaq – taamaattuinnaannginnissaa kissaatigaarput. Mælkebøttecenteri arlalinnik najugaqarfearpoq, taamallu meeraq ajunngitsumik ineriartorsinnaavoq sapinngisamillu meeqqanut tamanut assigiinngitsunik ukiulinnut inissaateqarniarsaraagut. Aamma meeqqanut Mælkebøttecenterimi inissineqarsimanngitsunut piffiuvugut, soorlu Ornittagaq Najortigeeqatigiiffilu aqutigalugit. Mælkebøttecenterip kissaatigaa meeqqap qanigisaasalu attaveqarnerisa nukittunerulernissaat isiginiarnerussallugu. Tamanna pissaaq qallikkut sinaakkutaasunik aqutissiuiikkut meeqqallu inissineqarsimasut angajoqqaavisalu / qanigisaasalu ataatsimooqatigiinneranni suliassat suleqatigiissutiginerisigut, meeqqat tassani pineqartut tassaasapput Mælkebøttecenterip najuqarfiniittut, aammali paaqqinnittarfinni allaneersut imaluunniit angajoqqaarsialinneersut.

Mælkebøttecenteri meeqqanut angerlarsimaffiup avataanut inissineqarsimasunut toqqammavírusuppoq toqqissimanartoq, taamaallutik inissineqarsimasut sapinngisamik nalinginnaasumik meeraallutillu inuusuttuaraaniassammata, taamallu aalajangersimasumik toqqammaveqarnermikkut aalaakkaasumik toqqissimaffeqarnissaat anguneqassaaq.

### Naleqartitat

Sulinitinni naleqartitat toqqammavigaagut. Sulinitinni naleqartitat pingaaruteqarput, taamaalluta sulinitinni ataatsimut toqqammaveqarpugut, taamaallutalu sulisut eqqarsaataat, misigissusaat, iliuusaat kajumissusaallu meeqqanut ingerlateq-qissavagut. Upperaarput pingaartitat iliuusissanut sinaakkusiisarnerat, siunissarlu ungasinnerusooq eqqarsaatigigaanni meeqqat siunissami inuunermikkut atugassaannut ajunngitsumik tamanna kinguneqassaaq.

Uumap iliuusissiap suliarinerani workshopit assigiinngitsut ingerlanneqarput taakkunanilu naleqartitat Mælkebøttecenterip sulinermini aallaavissai tulluarsarneqarput. Naleqartitat Mælkebøttecenterimi meeqqanoornissaat sulisunoor-nissaallu eqqarsaataasimapput.



## Naleqartitat – Naleqartitat nutaat:

*Sapiissuseqarneq – Akisussaaffeqarneq – Toqqissisimaneq – Inissaqartitsineq*

Mod – Ansvarlighed – Tryghed – Rummelighed

### Sapiissuseq

- Namminiunissamut sapiissuseq
- Sapiilluni angersinnaaneq naameersinnaanerlu
- Nammineq isummap anninnissaanut sapiissuseq
- Siunissap naapinnissaanut ilusilersorsinnaanissaanullu sapiissuseq

### Akisussaaffeqarneq


- Akisussaaffimmik tigusilluni iliuseqarneq
  - Akisussaaffup sulisunut meeqqanullu tunniunnissaa
  - Imminut iliuitsillu akisussaaffiginissaasa ilinniarnissaat
  - Ilisimasat misilittakkallu pillugit allanik avitseqateqateqartarnissap akisussaaffiginissaa

### Toqqissisimaneq

- Namminiunissap toqqissisimaffiginissaa
- Meeqqat toqqissisimatilersinnissaat
- Sulisut toqqissisimalersinnissaat
- Pisariaqartitat tunngaviusut angunerini toqqissisimalluinnarsinnaaneq

### Inissaqartitsineq

- Allaanerusinnaaneq inissaqartillugu
  - Meeqqat sulisullu ineriartortinnissaannut inissaqartitsineq
- Ammasuunissap akaareqatigiinnissallu inissaqartinnissaa
- Eqaatsuunissap aaqqiissutissanillu isiginiagaqartarnerup inissaqartinnissaa





## Suliniutit iliuseqarfignissat

Takorluukkat anguniarlugit Mælkebøtteceterip neqeroorutini annertusiniarpai, aammalu ulloq unnuarlu najugaqarfinni isiginiarneqartartut amerlanerit ilaatilissallugit. Tamanna najortigeeqatigiiffimmik pilersitsinermik malitseqarpoq tassanilu meeqqat ulloq unnuarlu paaqqinnittarfanniittut angajoqqaarsiallillu ilaqtaminnut attaveqartarnerat nukittorsarneqartassaaq.


Mælkebøtteceterip ataatsimut suliniutai sulianut piginnaaneqarluarnernik qajannaatsunik tungaveqarput aammalu meeqqat inuusuttuaqqallu 0-23-nut ukiullit isiginiagaralugit. Mælkebøtteceterip kissaatigaa taakua inuttut atugaat pitsanngorsassallugit, ilaatigut:

- meeqqat ilaqtaminnut ikinngutiminnullu attaveqarnerat ajunngitsumik sinaakkuserneratigut. Ilisimatusarnerit takutippaat ataatsimooqateqartarneq pitsaasuugaangat meeqqat inuusuttuaqqallu atugarissaarnerannut ajunngitsumik kinguneqartartoq (VIVE, 2023).
- sumiginnaasarnerup imaluunniit sumiginnaaqqinnginnissap pitsaaliorneratigut.

Meeqqat 0-23-nut ukiullit amerlanerit ikiorniarlugit sulissutigaarput kissaatigalugulu meeqqat qanigisaminnut attaveqartarnerat aammalu angajoqqaatut piginnaasat isiginiarnerussallugit.

### Suliniutinut iliuseqarfignissanut ikorfartuisinnaasut tassaapput:

1. Suliniutit
2. Sulisut atugarissaarnissaat ineriartornissaallu
3. Attaveqarfeqarneq suleqateqarnerlu
4. Meeqqat isiginnittaasiat/Barneperskektiv eqqarsartaatsimiilersitsinerlu/mentalisering
5. Uppernarsaasiisarneq naliliisarnerlu



# 1. Suliniutit – Paaqqinnittarfit nutaat Ataatsimoortarfillu

Mælkebøttcenteri pingasunik najugaqarfuteqareerpoq, Ornittagaq igaffittalik kiisalu ukioq naallugu illu Kapisilinniittoq. Takorluugaq anguniarlugu Mælkebøttcenterip neqeroorutini annertusiniarpai, aammalu ulloq unnuarlugu najugaqarfimmi isiginiarneqartartut amerlanerit ilaatilissallugit.

Tamanna malitseqassaaq ukunannga pilersitsinikkut:

## 1. Najugaqarfik ataaseq – 0-3-nut ukiulinnut inissat arfneq-pingasut

Mælkebøttcenterip kissaatigaa pinaveersaartitsinermik suliniut nutaaq taanna siusissukkut suliallu ilisimaluarlugit suliniutiginissaannut qulakkeerinninnissamat periarfssiissasoq. Ilisimatusarnerit tarnikkullu ineriartornermut ilisimatusarnerit takutippaat meeqqap ukiui siullit siunissami inooqataanissaanut, misigissusaanut aammalu atassuteqartarneranut pingaarutilipilussuusut. Kissaatigaarput sinaakkutit toqqissisimantut misigissutsitigullu inersimasunut aalaakkaasumik isumassuisinnaasunik atassuteqalernissaq qulakkiissallutigu. Najugaqarfimmi 0-3-nut ukiullit inissinnissaat, paasiniaavigisarnissaat angajoqqaatullu piginaasassanik paasiniaasarnissaq neqeroorutigissavagut. Tamanna angajoqqaatut sungiusaanissamat tunngaviliisinaavoq, taamallu meeqqat angajoqqaallu iluminni attaveqarnissaata pingaaruteqartup nukittorsarnissaa suliarineqarluni.

## 2. Najugaqarfik ataaseq – 8-12-inut ukiulinnut inissat arfnillit

Meeqqat inuusuttuaqqallu inissineqarnerminni 8-12-inik ukiullit najugaqarfimmi sullinneqassapput. Meeqqat tamatumani ukiullit suliniutiginissaannut pisariaqartitsineq annertusiartorpoq. Meeraapput inooqataanermikkut tarnikkullu annertuumik artorsinneqarsimasut avatangiisinullu oqimaatsunut ujtartuisinnaasartut. Siunertaraarput atugaannik pisariaqartitaannillu annertunerusumik ikorfartussallutigit periutsillu eqaannerusut atussallutigit. Tamatuma kinguneraa eqaannerusumik Kapisillinni illuuterput pisariaqartitsinermi atortarnissaa, pisariaqarpallu meeqqap sunngiffimmi ornittakkagaa suleqatigalugit. Qamuuna pakatsisarnerit eqqissiviilliutillu ajunnginnerusumik annittarnissaat atorlugarusullugu pinngortitamiittassaagut, tamannalu pisassaaq meeqqap suleqatigineratigut soqutigisaasalu aallaaviginerisigut.

## 3. Najortigeeqatigiiffik

Mælkebøttcenteri meeqqat angajoqqaavisalu ataatsimoorfigisinnaasaannik suliatigullu siunersioqatigiiffigisinnaasamik pilersitsissalluni iliuuseqarpoq, meeqqat pineqartut tassaapput Mælkebøttcenterip najugaqarfianiittut aammali paaqqinnittarfinni allameersut imaluunniit angajoqqaarsiallit.

Illumi meeqqat inuusuttuaqqallu ilaquuttaminnut attaveqarnerisa nukittunerulernissaat neqeroorutigineqarpoq, meeqqallu pineqartut tassaapput Mælkebøttcenterip najugaqarfianiittut, paaqqinnittarfinnit allaneersut imaluunniit angajoqqaarsiallit. Kommunenuk ataatsimoornerni siunnersortit angajoqqaat angajoqqaajusinnaaneriniq naliliisinaasut neqerooruti-



gaagut. Pingaarutilittut malugeqqarput pisut tamarmik immikkuullarimmata ataqatigiinnerullu nukittorsarnissaanut periutsit meeqqat ataasiakkaat pisariaqartitaannut misigisaannullu tulluarsarneqartassammata.

Siunertaavoq angajoqqaat qitornaasalu toqqissisimanartumik atugassaqartillugit ataqatigiinnerisa nukittorsarnissaa. Pingaarpoq ataqatigiinnerup taassuma qulakkeernissaa, tassaavormi meeqqap pingaarnertut atassuteqarfigisaa inuuneranullu qitiulluinnartoq. Atassuteqarneq ajornaatsuinnaaneq ajorpoq sulissutigineqartussaallunilu, uani sunniianiingitsunik avatangiiseqarnissaq pisariaqarsinnaavoq – tamannalu ataatsimoortarfup qulakkiissavaa. Mælkebøttecenterip kissaatigaa suliniummi tassani aamma inissineqarneq ataqatigiillunilu aalaakkaassasoq.

## 2. Sulisut atugarissaarnissaat ineriartornissaallu

Sulisut meeqqanik sullissinermi uumalu iliusissiap angunissaanut isumalluutaapput pingaaruteqarnerpaat. Taamaattumik sulisut nalerisimaartut, sulerusussusillit pikkorissullu Mælkebøttecenterimi sivisuumik kajumillutik sulinissaat annertuumik isiginiarusupparput. Tamanna meeqqanut Mælkebøttecenterip najugaqarfianiittunut ajunngitsumik toqqissisimanartumillu toqqammaveqartitsinisaanut pingaarutilipilussuavoq. Sulisut amerlanerusut sulilertinnissai suliatigullu ineriartornissaat suliffiullu avatangiisianik pitsaasunik pilersitseqataarusussinnaasut isiginiarusuppagut. Sulisut amerlanerulerpata pingaarpoq kikkunnut tamanut inissaqartitsinisaq pitsaasumillu peqatigiittarnissap pilersinnissaa. Tamanna aamma illup iluani suleqatigiinnermut tunngaviliissaaq tapertaassallunilu.

## 3. Attaveqarneq suleqateqarnerlu

Mælkebøttecenteri ukiut ingerlanerini annertuumik attaveqalersimavoq. Piffissap ingerlanerani suleqatigisartakkagut assigiinngitsut amerlapput. Pisortani oqartussaasut suleqatigisarsimavagut minnerunngitsumik inunnik sullissinerup iluani sulisut allat.

Mælkebøttecenteri ineriartorsimavoq sulilu sumiiffimmi inuiaqatigiit tapersuinerisigut, suliffeqarfiit minnerunngitsumillu aningaasaateqarfiit aningaasanik tunisisarnertigut ineriartorluni. Taamaattumik soqutigaarput iliuuseqarluarnisigut allanik suleqateqartarnerit attaveqartarnerillu attatiinnarnissaat nukittorsarnissaallu isiginiassallugit. Naleqartitatta ilaanniippoq sapiilluta siunissaq naapilugulu ilusilersortassallutigu, taamaattumik meeqqat inuusuttuaqqallu atugaannik pitsanngorsaaniarluta nutaanik attaveqartarnerit suleqateqartarnerillu ammaffi-gaagut.

Mælkebøttecenteri najugaqarfinnik neqeroorutinillu amerlanerusunik peqalernermigut alliarporpoq, tamassumalu malitsigaa amerlanerusunik sulisoqalerneq.



Pingaarpog illup iluani attaveqaqatigiinnerup pitsaasuunissaa taamallu ilutsinni piginnaasat nukittuffillu atorlurtarnissai. Illup iluani suleqatigiinneq nukittorsarneqassaaq immikkoortortani sammisartakkat peqatigiittarnerillu isiginiarnerisigut.

## 4. Meeqqat isiginnittaasiat/Barneperspektiv eqqarsartaatsimiilersitsinerlu/mentalisering

Mælkebøttcenterip tunngaviusumik paasinnittaasia tassaavoq meeqqat assigiinngitsuusut immikkullu tamarmik iliuuseqarfingineqartussaasut. Meeqqat isiginnittaasiat eqqarsartaatsimiilersitsinerlu pamersaanermi tunngaviusumik periaaserineqarput, taakkulu Mælkebøttcenterimi sulinerlut sinaakkusiisuupput. Periutsimi tassani meeqqat ataasiakkaat aallaavineqartarput, meeqqap qisuariartarnera qisuatsimilu paasinissanut aammalumi imminut paasinissanut ikiuutaasarput. Meeqqat isiginnittaasiat eqqarsartaatsimiilersitsinerlu ingerlaavartumik sulissutigineqartassapput aammalu sulisut ilinniaqqittarnerinik ilinniarnissaannillu malitseqartartussaavoq.


## 5. Uppernarsaasiisarneq naliliisarnerlu

Mælkebøttcenterip annertuumik uppernarsaasiisarnini attatiinnassavaa suliniutillu pitsaasumik kinguneqarnerisut takuniarlugit naliliisassalluni. Tassaniipput uppernarsaasiisarnissat avataaneersullu suliniutinik nutaanik naliliisarnissaat.

Mælkebøttcenterip suliniutinik nutaanik annertuumik naliliisarnini ingerlatiinnassavaa.

## Iliusissatut pilersaarut 2024-2030

### Iliusissatut pilersaarummi sammisassat pingaarnarit



#### 2024

- Sulisut piginnaasaannik inerisaaneq  
– Tassani aamma eqqarsartaatsimiilersitsiner-mut pikkorissarnej
- Sulisut atugarissaarnissaat peqatigiittarnissaallu
- Najortigeeqatigiiffup “Najortigeeqatigiiffik Ullo-rissat” aallarnisarnera
- Suliniutip Ailip timitassaanik sinaakkusiineq
- Nittartagaq nutaaq imarisaatalu aqqissuunnera
- Perorsaarnermik ilinniartunut pilersaarinissaq
- Attaveqaatit

#### 2025

- Suliniummik Ailimik ammaaneq
- Ornittakkap minnerup “nutaap” ammarnera
- Sulisunik inerisaaneq, aammalu perorsaasut amerlanerusut najugarlu qimannagu perorsaarnermik ilinniarnissamat periarfissat
- Illup iluani avataanilu suleqatigisartakkat isiginiarlugit attaveqaatillu annertusinissaat

#### 2026

- Najortigeeqatigiiffup nalilernera
- Illup iluani avataanilu attaveqarnerup suleqatigiinnerullu isiginiarnera
- Suliniutitut fundraising, aningaasaliisussarsiornej

#### 2027

- Iliusissiap qiterpaarnerani nalilernera
- Pingaartitanik isiginiagaqarnej

#### 2028

- Najugaqarfik 8-12-inut ukiulinnut suliniutigigenera
- Sulisunik isiginiagaqarnej

#### 2029

- Ailimi uppernarsaasiisarnej/naliliineq

#### 2030

- 8-12-inut ukiulinnut suliniummik naliliineq
- Iliusissiap naggasenera nalilernalu